



ANG PAGHIMAKAS

Pahayagan sang Partido Komunista sang Pilipinas - Isla sang Negros
Ginaubayan sang Marxismo-Leninismo-Maoismo

Ispesyal nga Isyu • Hiligaynon nga Edisyon • Enero 2019



EDITORIAL

Atubangon ang de facto martial law sa Negros, palig-onon ang pungsodnon nga paghimakas batuk sa pasistang diktadura ni Duterte!

Ginpalawig ni Rodrigo Duterte ang iya pag-uyat sa gahum sa paggamit sang todo nga pasismo kontra sa pumuluyong Pilipino panguna sa rebolusyonaryong kahublagan, ang prinsipal nga nagabalabag sa iya diktadurya.

Si Duterte nagsalig sa paggamit sang lubos nga pagkabayolente kag pagpaniplang para mapabilin ang iya kontrol sa bilog nga pungsod. Naghatag pahanugot sa arbitrario nga pagpamatay nga iya ginatawag “gyera” nga nagresulta sang linibo ka kabuhi nga nadula. Naghimo sang linubid nga kabutigan kag hukos-pukos nga nagabalik kag nagahayag sang pagkatraidor kag lapnagon nga korapsyon. Ang pagkauhaw sa gahum nagtulod sa iya nga magluhod indi lang sa imperyalismong US kundi pati na sa karibal ini nga imperyalista pareho sang China kag Russia.

Wala duda nga ang dalan sang iya rehimen malapit na matapos nga buot singganon mahublasan na ang iya pinakangil-ad nga karakter.

Bisan pa man ang *martial law* wala pa madeklara sa bilog pungsod, ang militarisasyon sa burukra-

sya paagi sa pagtalana sang mga matag-as nga opisyal sang Armed Forces of the Philippines (AFP) kag Philippine National Police (PNP) sadto sa mga mayor nga posisyon sa gobyerno nagresulta sang militar nga paggahum. Sa subong, masobra 60 ka nagretiro nga mga heneral sa militar, *police directors*, *admirals* kag *colonels* ara sa Kabinite kag iban pa nga mga ahensya sang gobyerno pati na ang ginapanag-iyahan sang gobyerno nga mga korporasyon. Ini nga *de facto martial law* magseguro nga magamit ang bug-os nga makinarya sang estado agud mapasiguro ang resulta sang eleksyon sa Mayo 2019, magpasiguro sa *landslide* nga pagda-ug sang mga sumulunod ni Duterte, sa sina makakuha sa dalagkuan nga suporta para sa bugos nga pederalismo ni Duterte nga nagakahulugan sa iya iskema sang pasistang diktadura.

Si Duterte ang nagapanguna nga Burukrata Kapitalista sa iya nga rehimen. Samtang nagapabilin siya sa poder magalala ang pagpangawat kag pagpamigos paagi sa wala huya nga pagpatuman sang *neoliberal* nga mga polisiya pareho sang programang “*Build, Build, Build*,” *rice tariffication*, *TRAIN law* 1 kag 2, pagbaligya sang teritoryo sang Pilipinas kag madamu pa. Ini magatum-ok sa pumuluyong Pilipino sa sobra nga kapigaduhon kag krisis samtang nagatan-ay sang kwarta sang pumuluyo sa dumulu-ong monopolyo kapitalista, lokal nga dalagkong komprador kag para sa iya kaugalingon, mga pamilya kag kroni.

Bisan ano pa man ang iya kaang-tanan sa China, si Duterte nagpabilin nga tuta sang imperyalistang US. Bilang pinuno sang neo-kolonyalista nga estado, ginpadayon nya ang pagpalig-on sang angut sa US kag pagpatigayon sang pang-ekonomiya, politikal kag pang-militar nga interes sa Pilipinas. Sa subong ang Operation Pacific Eagle-Philip-

pinas (OPE-P) ang ngalan sang operasyon militar sang US sa pungsod buot hambalon mas daku nga kontrol sa imperyalistang US sa Pilipinas ilabi na sa AFP. Ang *martial law* sa Mindanao kag pagbansag nga terorista sa Communist Party of the Philippines (CPP) kag New People's Army (NPA) kabahin sang OPE-P nga plano.

Ang pagkautok pulbora ni Duterte maathag sa Oplan Kapayapaan, ang mapintas nga *operational plan* sang subong nga rehimen nga nakasandig sa doktrina sa kontra-insurhensya sang US. Gyera man ini sa droga, gyera kontra sa Moro ukon kontra sa rebolusyonaryong kahublagan, nagalakip ini tanan sa mga pagpamatay, pagpang-tortyur, iligal nga pagpangdakop kag pagpriso, pagpato-patu kag iban pa nga pagpang-abuso kag paglapas sang tawhanon nga kinamatarung. Ang kultura sang hilway nga pagpamatay nga gina-ispansoran ni Duterte nagtulod sa AFP kag PNP nga magpatay nga wala sang paghinulsol. Ang bastos niya nga baba gapanghaboy sang grabe ka malain nga binutig kontra sa iya mga kritiko kag kaaway sa iya pasista nga paghari para ganuyon ang publiko pabor sa iya. Ang iya pagatake sa subong mas nakasentro sa rebolusyonaryong kahublagan. Resolbado sa pagpaggwa sa isa ka mabangis kag garapal nga kontra-rebolusyonaryo nga armado nga kampanya sining 2019, ang tirano nga Duterte nagpaggwa sang *Executive Order 70* nga nagtukod sang "*national task force to end communist armed conflict*" para ipatuman ang

Whole-of-Nation approach. Sa iya kaakig kag kahuya ang una nya nga deklarasyon nga tapuson ang NPA sa katapusan sang 2018 klaro kag lubos nga napaslawan. Nagdugang sa iya kahuy-anan ang liwat nga pagtalana sang US-Duterte nga rehimen nga wasa- kon ang NPA sa tunga-tunga sang 2019 hasta na sa 2022.

Katum-bas sang ila pungsodnon nga pagtinguha nga pagamayon ang rebolusyonaryong kahublagan, ang AFP Chief of Staff s a d t o nga si Carli-

to Galves nagdeklara sang "*all out war*" sa Negros sang katapusan nga kwarto sang 2018 kag ginkapital ang masaker sang siyam ka mamumugon sa uma sa Hacienda Nene, Barangay Bulanon, Sagay City. Nasundan ini sang deklarasyon sang *Memorandum Order 32* nga nagamandu sa pagdugang sang tropa sa Bicol, Samar, Negros Occidental kag Negros Oriental bangud sang ginsiling nga "*lawless violence*."

Ang 3rd Infantry Division sang Philippine Army nagpatuman gilayon sang mayor nga pagbag-o. Ang Negros Oriental ginsaylo sa idalum sa pagpamuno sang 302nd Brigade nga naghatag pahanugot sa 303rd Brigade nga magkonsentra sang ila pwera sa Negros Occidental. Isa ka Duterte-clone nga commanding officer ang natalana sa 303rd Brigade para pasingkion ang *de facto martial law* sa Isla sang Negros. Si Col. Benedict Arevalo, kapare-

ho gid ni Duterte nga may militarista kag oportunistang kinaiya nga nagagamit sa grabe nga kabutigan, mga intriga, pagpaniplang kag pagpamahug agud halitan ang prestihiyo sang rebolusyonaryong

kahublagan kag determinado nga ihamulag ang NPA sa masa tubtob nga malutos ang NPA sa Negros. Si Brig. Gen. Ignacio Madriaga sang 302nd Brigade isa man sang sumulunod sang daan nga merse- n a r y o n g AFP kapareho sang iya military commanders nga matutom nga sumulunod

sang militarista, manugpatay kag manyak nga commander-in-chief. Hatagan lang nila rason ang pasista kag bayolente nga ginahimo sang AFP kag PNP kag sa proseso wala sang kaluoy nga ginabalewala ang lehitimo nga paghimakas sang sandigan nga masa.

Sila Arevalo kag Magdriaga wala nagmadinalag-on sa paghinabon sa nagasingki nga militarisasyon nga naglakip sa arbitrario kag wala kaluoy nga pagpamatay; iligal nga pagpang-aresto; grabe nga pag-abusar sa pumuluyo; sige-sige nga pag-okupar sang mga komunidad kag mga pamalay; *psywar*, *intelligence* kag operasyon pangkombat nga ginapatigayon sang ila tropa sa kaumhan nga nagapakunokuno nga magkondukta sang "*peace and development*." Napaslawan man sila nga hinabunan ang *extrajudicial killings*, mga masaker kag paglapas sa tawhanon nga kinamatarung sa kaumahan kag kasyudaran. Dapat nga batunon nila nga ang mga Negrosanon kag ang pumuluyong Pilipino indi malimbungan. Ang masobra sa 50 ka politikal nga pagpamatay sa Negros sa idalum sang US-Dute-



**ANG
PAGHIMAKAS**

Sa pagpauswag sang aton Ang PAGHIMAKAS, ginapangabay sa tanan nga bumalasa sini nga magamot sang mga balita, piktyur, istorya kag iban pa nga sinulat. Nagapangayo man kami sang inyo mga suhestyon kag komentaryo paano pa gid ini pauswagon.



angpaghimakas@yahoo.com



facebook.com/ang.paghimakas.58



angpaghimakas.wordpress.com

rte nga rehimen lakip na ang magsaker sa Sagay, pagpamatay sang mga lider masa kag mga aktibista pareho ni Atty. Ben Ramos kag ang nagapadayon nga pagpamatay sang mangunguma labi na sang pinakaulahi nga *crackdown* sa Negros Oriental yara sa maduguon nga kamot sang AFP kag PNP kag sang ila para-militar nga grupo. Wala sang ano man nga hokus-pokus nga makatago sa mangil-ad nga baho sa mapintas nga mga krimen sang AFP, lakip na ang iban nga ahente sang estado, batok sa pumuluyo.

Madinalag-on nga nahimu ni Duterte kag sa iya mga sipsip nga sumulunod ang pagdula sang respeto kag pagpaakig sang pumuluyong Pilipino. Ang US-Duterte nga rehimen nagtuga sang krisis nga mas malala pa kay sa nagligad nga nagduso sa pumuluyo nga magpartisipar sa nagkalainlain nga patag sang paghimakas ilabi na ang armadong rebolusyon. Mas labaw pa sila nagmadinalag-on sa pagduso sa pumuluyo nga mag-upod kag magsupor-ta sa NPA.

Nagresulta ini sa dugang nga paglig-on sang rebolusyonaryong pwersa. Dugang ini nga magabaskog sa mainantuson nga paghimakas batok sa pasistang kontra-rebolusyonaryo kag armadong kampanya sang rehimen US-Duterte subong pareho sa ginlunsar sang mga nagligad nga estratehikong *operational plans* sang kada papet nga rehimen.

Para sa rebolusyonaryong kahublagan sa Negros, agud makapapel sa pagpaslaw sa palaabuton nga deklarasyon sa laye militar sa bilog pungsod, kinahanglan nga atubangon kag lutuson ang “todo giera” sang AFP sa Isla.

Ang NPA sa Negros kinahanglan makaangkon sang rebolusyonaryo nga kusog paagi sa pagpahuyang sang kaaway paagi sa paglunsar sang mga taktikal nga opensiba nga magtigayon sang dalagkuan nga bira kontra sa mga kriminal kag pasista nga mga yunit sang AFP, PNP kag ang ila mga *paramilitary* nga pwersa. Ang madinalag-on nga mga taktikal nga opensiba magpabaskog sa militante kag mapang-away nga diwa indi lang sa hukbo sang pumuluyo kundi sa masa mismo.

Kinahanglan nga wasakon ang kahadlok nga nagresulta sang mga serye sang pagpamatay sa mga mangunguma ilabi na sa brutal nga masaker sa Sagay kag *crackdown* sa Negros Oriental. Dapat nga indi makapalagyo sa ila nga salabton ang mga dalagko nga agalon may duta sa paghugakom sa malapad nga kadutaan


kag padayon nga pagpanghimulos kag pagpamigos sa mga hasyenda. Ang kahublagan sang mga mangunguma kinahanglan mapabaskog liwat paagi sa kontra pyudal nga mga kampanya halin sa hasyenda nga lebel, baryo kag munisipal nga lebel tubtob sa rehiyunal nga sakop sang kampanya kontra sa pyudal kag mala-pyudal nga porma sang pagpanghimulos. Ang panawagan para sa libre nga pagpanagtag sang duta kinahanglan malapnagon sa bilog nga isla. Ang anti-pyudal nga kampanya indi lang magtuga sang pang-ekonomiya nga kadalagan kundi politikal nga ganansya para sa pungsodnon demokratiko nga rebolusyon. Halin sa kadalagan sang paghimakas sang mga mangunguma magatindog ang lokal nga organo sang politika kag magaporma sang demokratiko nga gobyerno sang pumuluyo sang mamumugon kag mangunguma nga tuhay sa reaksyonaryo nga gobyerno sang dalagku nga komprador, agalon may duta kag burukrata kapitalista.

Magluwas sa armadong paghimakas nga nakabase panguna sa kaumhan, kinahanglan nga pauswagon sa mas mataas nga halintang ang ligal demokratiko nga ka-



hublagan sa Isla. Dapat nga ipaduso sa mga rebolusyonaryo nga pwersa ang awayan para sa pang-ekonomiya kag demokratiko nga kinamatarung sang mga mamumugon, kabataan kag estudyante, imol nga taga-syudad, mala-proletaryado kag sa tanan nga sektor nga nagapas-an sang malala nga kondisyon sa idalum sang US-Duterte nga rehimen. Kinahanglan nga mapadaku ang ila numero kag himuon ang tanan kutob sa makaya agud malabot ang tanan nga organisasyon, grupo kag mga personahe nga bukas sa pungsodnon demokratiko nga pagtinguha kag may kapareho nga pagkadiskontento kag pagkadisma-ya sa nagaluntad nga malakolonyal kag malapyudal nga sistema. Ang anti-imperyalista kag anti-pasista nga kampanya kinahanglan maangut sa kontra pyudal nga paghimakas sa kaumhan. Ang pumuluyo sa Negros kinahanglan nga mapukaw, magorganisa kag mapahulag para sa pungsodnon demokratiko nga rebolusyon paagi sa pangmalawigon nga inaway banwa.

Sa nagahilapit nga pagtalom



sang kontradiksyon sa tunga sang mga reaksyonaryo, kinahanglan nga determinado kita nga magtukod sang malapad nga nagahili-ugyon nga prente sa rehiyon batok sa kontra pasista nga paghari sang US-Duterte nga rehimen kag ang lokal sini nga kaupdanan partikular ni Gob. Alfredo Marañon kag sang iya grupo nga nagatiglawas sang dis-

potiko nga agalon may duta kag bu-rukrata kapitalista sa Negros. Ang anti-pasista nga alyansa kinahanglan magbuyagyag kag magpamatok sa nagasingki nga militarisasyon sa kaumhan; isikway ang mga ka-butigan, intriga kag pagpaniplang nga gipalapnag sang Duterte-clone nga ara sa AFP, PNP kag lokal nga gobyerno; kag makig-away kontra

sa *extrajudicial killings*, pagpamahog sa mga aktibista, *media*, sektor sang simbahan, demoratikong pwersa kag pumuluyo.

Sa ma-inantuson nga pagpatuman sini tanan, ang rebolusyonaryo nga pwersa sa Negros makaamot sa pagtukod sa kapasidad sang bilog nga rebolusyonaryong kahublagan para patalsikon ang US-Duterte nga rehimen. Paagi sa paisa-isa nga paglutos sang nagabulosbulos nga mga reaksyonaryong hubon, ang rebolusyonaryong kahublagan makapabaskog sang iya kusog tubtob malab-ot ang isa ka kritikal nga kahimtangan nga sa diin posible ang pagrumpag sang bilog nga malakol-onyal kag malapyudal nga sistema kag ang katumanan sa kadalagan sang pungsodnon demokratiko nga rebolusyon sang pumuluyo. **A**

Berdugong AFP, PNP responsable sang mga EJK sa Negros

Sa idalum ni Rodrigo Duterte masobra 50 na ang extrajudicial killings sa Negros. Ginatar-get na ang mga aktibista kag mga lider mangunguma sang nagligad pa. Apang ang brutal nga masaker sa siyam ka mamumugon sa kampo sa Sagay City nagligad nga Oktubre 20, 2018 nagsignal sang nagataas nga brutalidad sa idalum sang US-Duterte nga rehimen. Gilayon ginsundan sa pagpatay kay Atty. Benjamin Ramos sa Kabankalan City, Negros Occidental kag sa pagpang-ambus sa mga paramilitar nga grupong Dios Uno sa duha ka mangunguma sa Sta. Catalina, Negros Oriental. Ang AFP kag PNP mga mersenaryo ni Duterte nga nagapatuman sa wala untat kag wala kaluoy nga pagpatay, pagwasak sa mga kabuhi, pamilya kag pangabuhian kag grabe nga pag-abuso sa tawhanon nga kinamatarung.

Ang *crackdown* sa Negros Oriental sang nagligad nga Disyembre 27, 2018 panguna nga ginpatuman sa Guihulngan City, Mabinay kag Sta. Catalina. Ginpamatay ang anum ka inosenteng sibilyan kag mga mangunguma, masobra man 50 ang iligal nga ginpangdakop, indi mag-nubo sa 20 ang iligal nga napriso,

ginatos ka mga balay ang ginpan-gransak, nagbakwet nga mga pumuluyo kag madamu ang na-trauma sa idalum sang matiplangon kag abusado nga *Synchronized Enhanced Management of Police Operations* sang PNP Regional Office 7 upod sa pwersa sang AFP partikular sa 94th IB kag 62nd IB sang Philippine Army, mga tropa halin sa Philippine Navy kag Air Force.

Wala kaluoy nga ginpamatay sanday Jimmy Fat, Jun Kubol, Reneboy Fat, Jaime Revilla, Constancio Perida Languita kag Jesus "Dondon" Isugan nga bata sang lider mangunguma nga si Delia kag Dominador Isugan nga sila mismo gilayon ang iligal nga gindakup pagkatapos ginpatay ang ila nga bata. Naghambal ang AFP kag PNP nga ila napatay kag nadakop mga myembro sang NPA agud mahatagan rason kag hinabonan ang ila nga mga krimen.

Uhaw sa dugo, nagligad nga Enero 11, 2019 gintiro-patay si Remy Arquillos sa Barangay Bulado, Guihulngan City malapit sa hedkwarter



sang Regional Mobile Force Battalion samtang namasahero sa iya nga habal-habal.

Ang pumuluyo sa Negros upod sa pumuluyong Pilipino ginakondinar ang nagasingki nga pasismo sa Negros ilabi na matapos nga gin-anunsyar ni Duterte ang Memorandum Order 32 kag Executive Order 70. Ang panawagan para sa hustisya kag ang pagpatalsik kay Duterte mas nagadaku sa bug-os nga pungsod. **A**

AFP nag-angkon sang 27 nga kaswalidad sa Negros sulod sa Enero 2019

Ang tanan nga yunit sang NPA idalum sa Apolinario Gatmaitan Command - Negros Island ginaatubang ang una nga bahin sang tuig 2019 upod sa masunson nga taktikal nga opensiba nga sabat sa demanda sang Negrosanon para sa hustisya pagkatapos sa sunod-sunod nga *extrajudicial killings*, ilegal nga pagpang-aresto kag pagpang-priso, bayolasyon sang tawhanon nga kinamatarung kag pangurakot sa Isla sa idalum sang rehimen Duterte. Ang mga ini sabat sa panawagan sang CPP nga "ilunsad ang mga taktikal nga opensiba sa bug-os nga pungsod" kag "himuon ang tanan nga posible nga ikasarang agud silutan ang pinaka-pasista nga yunit kag opisyal sang AFP nga nakahimu sang malala nga krimen batuk sa pumuluyo" pagkatapos nga gin-aprobahan sang Kongreso ang pagpalawig sa *martial law* sang Mindanao kag samtang nagpadayon ang rehimen US-Duterte sa iya iskema sa pagpasangkad sa paghari militar sa bug-os nga pungsod. Ang AGC nagapanawagan sa mga Negrosanon nga atubangon ang kalakasan nga ginapalapnag sa isla sa Negros kag upod sa CPP, NPA, NDFP kag sa tanan nga demokratiko nga pwersa sa pungsod ilunsar ang militante kag rebolusyonaryo nga paghimakas para paslawon kag rumpagon ang US-Duterte nga rehimen sini nga tuig 2019.

Enero 2, 1AM. Ginsilotan sang Mt. Cansermon Command (MCC) ang Pilipinas Eco-Friendly Mining Corporation sa makahalalit nga *open-pit* nga operasyon sa pagmina sa Ayungon, Negros Oriental. Napauntat sang MCC ang operasyon pagmina sa pagwasak sang walo ka *backhoe*, duha ka *payloader*, duha ka *dumptruck*, duha ka *generator* kag isa ka *rock crusher* nga sa kabilogan naglab-ot sa P120 milyon. Sa pihak nga bahin, 3-5 nga baryo ang nadislokar sa Ayungon, apektado ang may duha ka libo ka ektarya nga duta nga ulumhan kag palangabuhian sa palibot sining minahan, nahalitan halos ang linibo ka ektarya sang humayan sa Barangay Banban kag naglab-ot sa pagkawasak sa palangabuhian sang mga mangingisda nga kabangdanan sang "*silt*" (ginagamit para sa semento) nga nagwasak sa magagmay nga sapa, suba, irigasyon nga naglab-ot sa kilid baybayon sa ila nga operasyon sa 4,717

ka ektarya sang duta upod sa indi manubo sa lima pa nga kompanya sang minahan.

Enero 4, 2:04PM. Nakaagum sang duha ka patay ang militar sa dulungan nga pag-atake sang isnayping tim sang Leonardo Panaligan Command (LPC) sa detatsment sang 94th IB sa Barangay Linantuyan, Guihulngan City, Negros Oriental kag detatsment sang 62nd IB sa Barangay Sikatuna, Isabela, Negros Occidental.

Enero 6, 5PM. Nagpanaug sang hustisya ang LPC sa isa ka katapu sang CAFGU nga si Joseph Gavia sang Barangay Linantuyan detatsment, Guihulngan City, Negros Oriental. Gawas nga aktibo sa CAFGU, isa ka aktibo nga *intelligence asset* sang PNP kag AFP kag masami nga nagapamahug sa mga inosente nga mangunguma gamit ang armas nga nagtuga sang kahadlok sa tunga sa pumuluyo.

Enero 10, 7:45PM. Ginharas sa ka yunit sang MCC ang 62nd IB *Temporary Patrol Base* sa Barangay Hilamonan, Kabankalan City, Negros Occidental. Pilason si Corporal Andin Jaminson.

Enero 14, 8:40AM. Nagtigayon ang isa ka yunit sang LPC sang pagpang-isnayp sang isa ka military trak nga puno sang tropa sang 94th IB sa dulonan sang Sityo Kaningag kag Kanlabaw sang Barangay Banwage, Guihulngan City, Negros Oriental. Sa inisyal nga report naglab-ot sa siyam ang patay sa bahin sang 94th IB.

Enero 18, 1:55PM. Isa ka yunit sang Armando Sumayang, Jr. Command ang naka-engkwentro sa mga tropa sang 15th IB sa Sitio Pacama, Barangay Magballo, Kabankalan City, Negros Occidental. Walay hangaway sang NPA ang napilasan samtang ang 15th IB nag-angkon sang 1 KIA kag 1 WIA.

Enero 19, 4:47AM. Duha ka *Peace and Development Teams* (PDT) sang 94th IB ang gin-atake sang LPC sa Guihulngan City, Negros Oriental. Ginreyd ang PDT nga nag-okupar sa Barrio Hall kag Day Care Center sang Barangay Tacpao. Nakaagum ini sang 12 nga



patay pagkatapos nga ginpalupok batok sa tropa militar ang *Command Detonated Explosives*. Ang masunod nga hugna amo ang asolt gamit ang granada kag *rifle grenades*. Ang inaway natapos sa 28 minutos. Samtang, ginharas sa isa ka separado nga tim ang PDT nga nakabase sa Barangay Binobohan, sakop sa gihapon sang Guihulngan City. Ang inaway natapos sang 15 minutos. **AP**



apolinariogatmaitan.wordpress.com



fb.com/apolinario.gatmaitan.npanegros



@npanegros



agc_npanegros@yahoo.com

**Pahibal-on
namon kamo!!**